



Ang mga disipulo ni Kristo naghulat duol ug wala madugay nakatulog samtang si Jesus miadto sa Getsemani nga nag-inusara. Si Jesus “miadto sa ikatulo, ug miingon ngadto kana, Nagatulog ug namahulay pa ba gihapon kamo: igo na kana; ang takna ania na; ang Anak sa Tawo igatugyan na ngadto sa mga kamot sa mga makasasala” (Marcos 14:41).



Sa Getsemani (ibabaw) ug sa Golgota (ubos), Si Jesukristo mipaagas sa Iyang dugo ug namatay sa krus. Siya mitubos sa mga sala sa kalibutan ug milukat kanato gikan sa Pagkapukan.



LAYO SA WALA: PAHULAY NA KAMO, NI WALTER RANE; IBABAW: O AMAHAN KO, NI SIMON DEWEY; SA WALA: PAGAANSANG © BALAGE BALOGH/ART KAPANGUHAAN, NY; SA TUO: PIETA, NI ANSELM FRIEDRICH FEUERBACH © SUPERSTOCK

Ang lawas ni Jesukristo gilubong sa usa ka lubnganan sa usa ka tanaman.

Kinahanglan nga atong isalikway ang mga pilosopiya sa mga tawo ug ang kaalam sa mga maalamon ug mopatalinghug niana nga Espiritu nga gihatag sa paggiya nato ngadto sa tanang kamatuoran.

Kita kinahanglang gayud nga mosiksik sa mga kasulatan, modawat niini isip hunahuna ug kabubut-on ug tingog sa Ginoo ug ang gahum mismo sa Dios ngadto sa kaluwasan.

Samtang kita mobasa, mamalandong, ug mag-ampo, atong mahanduraw ang talan-awon sa tulo ka mga tanaman sa Dios—ang Tanaman sa Eden, ang Tanaman sa Getsemani, ug ang Tanaman sa Haw—ang nga Lubnganan diin si Jesus nagpakita ngadto kang Maria Magdalena.

Sa Eden atong makita ang tanang butang nga gilalang sa paraisohanong kahintang—walay kamatayon, walay pagpasanay, walay mga kasinatian sa pagsulay.

Ato unyang masayran nga ang ingon nga paglalang, nga sa karon wala mahibaloi sa katawhan, mao lamang ang paagi nga maandam ang Pagkapukan.

Ato dayong makita sila si Adan ug Eva, ang unang lalaki ug unang babaye, mipaubos sa ilang kahintang sa imortal ug paraisohanon nga himaya nga mahimong unang mortal nga tawo dinhi sa yuta.

Ang mortalidad, lakip na ang pagpasanay ug kamatayon, anaa na sa kalibutan. Ug tungod sa kalapasan, usa ka temporaryo nga kahintang sa pagsulay ang nagsugod.

Dayon sa Getsemani atong makita ang Anak sa Dios nga mitubos sa tawo gikan sa temporal ug espiritwal nga kamatayon nga miabut kanato tungod sa Pagkapukan.

